

LAS KIBUNG BILONG HAUS ASEMBLI

Em i las taim nau ol memba bilong dispela Haus Asembli i kibung i stap. Neks taim bai i gat sampela nupela memba. Dispela taim ol i bin toktok long wanem samting?

ONA BIL - Mining i olsem: Ol sampela memba, olsem Mista Leahy bilong Lae, i laikim wanpela lo bilong lukaut nogut ol memba i save bosim mani bilong gavman i tilim nabaut long ol pren bilong ol, o long ol wok bilong pren bilong ol. Em tu i mas lukaut, nogut sampela man i presen long ol memba, bai ol i pas nau na ol i mas bihainim laik bilong man i givim presen.

Planti memba i no laikim dispela bil. Ol i no vot yet long en.

TISING SEVIS BIL - Dispela em i bikpela lo moa, inap long pulapim 212 pes olgeta. Em i bilong stretim ol lo bilong pe na haus na wok na liv na go het na trabel bilong olgeta tisa. Ol memba i mas senisim 10-pela arapela lo bilong stretim dispela bilong ol tisa.


ILEKTORAL BIL - Man i laik kendidet bilong ilek-sen bilong kamap memba bilong Haus Asembli i mas takis long \$100.

ROT BIL: - Ol i laik makim wanpela bot o lain man bilong bosim olgeta rot long kantri.

paia long hagen


Las wik wanpela drai- Klostu dispela paia i
pela paia moa i kukim kalap na i kisim sampe-
tripela bikpela stua hia la arapela bikpela stua,
long Mt. Hagen. long wanem i gat bikpela

Tripela hia: bakstua win liklik.
bilong Steamships, na Ol samting i lus pinis
tret stua bilong Robert i kam inap long \$250,000
Cheung na narapela stua olgeta.
bilong Seeto Kui.



MI KRAI GUTBAI LONG DISPELA HAUS ASEMBLI TASOL.

TRU, A ? OLABOI, OL TOKTOK BILONG POLITIKAL PATI BILONG YU I MOA MOA YET.....



TENKYU TRU OL MEMBA
BILONG HAUS ASEMBLI

PASIFIKAM LONG EDITA

Sapos yu gat tok yu raitim sotpela tasol. Sapos yu raitim longpela bai mipela i sotim. Yu mas raitim nem bilong yu tru long olgeta pas i kam long mipela. Sapos yu no laik mipela prininem bilong yu tru, orait yu raitim arapela nem bilong yu tu.

Botol Bia i Wokim Haus

Dia Edita.- Long Trinde Septemba 15, John Keke bilong Morobe i krosim ol bisop bilong katolik sios long dring bilong yumi yet long Papua New Guinea yet.

Yu raitim olsem mipela i no kisim bikpela pe long han bilong ol wan-skin bilong ol. Mipela i kisim pipia pe na no gat gutpela haus, olsem na mipela i go dring. Yu raitim olsem na planti ritim pinis dispela tok-tok bilong yu. Mi ting ai bilong yu i gutpela long lukluk olsem, tasol tingting bilong yu i rabis tru. Sapos yu laikim gutpela haus, orait yu bungim mani na ba'im bia, na botol bilong bia yu bungim na traim wokim wanpela gutpela haus long bia botol tasol. Em bai gutpela naispela haus tru bai yu wokim na slip long en.

A. Sikilonde
Kasap/Laiagam.

Tenkyu

Dia Edita.- Mi wanpela studen bilong St. John's Koles, na mi laik salim bikpela tok amamas i go long tim bilong P.N.G. em i bin go pilai long Tahiti. Mi rait long nem bilong olgeta studen long dispela koles.

Mipela i tok bikpela amamas na tenkyu i go long wanpela, wanpela bilong dispela man na meri em i bin givim taim na hatwok bilong em long traim long i go mekim gutpela pilai long dispela Saut Pasifik Gem.

Long start bilong dispela pilai inap long

taim em i pinis mipela i bin putim yau gut tru long harim wanem kain samting i kamap long dispela pilai, na ol bilong mipela i mekim olsem wanem. Mipela i harim ol i winim planti gol, silva na brons medal na mipela i amamas moa yet.

Gabriel Dusava
Kairiru

Belhat Dring Kolwara

Dia Edita.- Mi laik bekim pas bilong John Keke bilong Morobe. Em i tingting olsem wanem na tok bilas long ol bisop? Mi ting ol bisop ol i no tambuim olgeta bia. Ol i laik yupela i ken dringim bia, tasol yupela i no ken dringim strongpela bia.

Ol bisop ol i mekim stretpela tok. Na John Keke em i tok, yumi Papua New Guinea yumi wok long ol waitman, tasol ol waitman ol i no givim planti mani long mipela. Ol i givim liklik mani long mipela, orait mipela i ken spak long dring.

Dispela toktok bilong John Keke em i no stret tru. Yumi Papua New Guinea, yumi no save wokim mani. Olsem na ol waitman ol i givim bikpela mani o liklik mani long yumi, orait lukluk long ai tasol, na kisim. Maski long kapsaitim mauswara.

Plis John Keke yu mas tingting pastaim na bihain yu ken raitim. Mi tokim yu, yu wanpela buskanaka tru. Sapos yu belhat orait yu mas go na dring kolwara.

Dominic Andan
Kamaliki.

Painim Bilas Tasol

Dia Edita.- Mi yet mi laik toktok long wanpela samting. Mi save lukim long sampela ples long Papua New Guinea. Ol man ol i no tingting long helpim kaunsil long ol eria bilong ol. Ol man na meri ol i tingting long ol wanpela wanpela yet. Ol i no bihainim lo bilong yuniti.

Olsem mi lukim ol man-meri ol i wok mani bilong painim bilas tasol. Na sapos kaunsil i singautim mani takis long ol man na meri, ol i save toktok planti na kros long kaunsil.

Miting dispela kain tingting i save rong. Ol man na meri long sampela ples ol i no kopi long pasin wok bung wantaim long sampela ples. I olsem ol manmeri i no save bung wantaim na ol i save mekim kamap planti politikal pati long Papua New Guinea.

Mi ting yuniti i ken mekim yumi kamap selp gavman long taim bihain. Em tasol na mi laikim yupela ol brata na susa i mas bung wantaim bai kantri bilong yumi i ken ran stret. Em tasol liklik toktok bilong mi.

Tony Pinia
Los Negros Ailan.

Laikim Mausgras

Dia Edita.- Long hap bilong yumi i gat wanpela olpela toktok i stap i kam inap nau tu i stap yet. Em hia toktok ol olpela pipel na nupela pipel ol i gat long en.

Ol i save toktok bilong wanem ol pater na bruder i no larim mausgras na wasket gras i stap. Na tu ol i mas werim ol longpela trausis tasol.

Ol olpela pipel i tok ol pater na bruder ol i no ken werim ol sotpela dres long skin bilong ol. Ol olpela pipel na nupela pipel i tok sapos ol pater na bruder ol i werim sotpela dres bai ol i luk olsem ol masta. Ol i no misinari ol i masta tasol.

Yes ol wantok bai yumi bekim wanem kain tok i go bek long ol, olpela pipel na sampela nupela pipel?

Nikodemus Inangguvai
Saure/Wewak

Tisa Putim Yunifom

Dia Edita.- Gavman yu mas opim ai bilong yu a. Yu lukim stret ol narapela i putim yunifom na ol tisa i no gat? Ol tisa i mas putim yunifom orait bai ol man i ken save olsem tisa. Olsem ol i save lukim ol plis na doktaboi.

Em tasol tok bilong mi.

Kaspar Numbua
Aresili

Planti Soldia Olsem

Dia Edita.- Mi laik tokim yu long liklik wari bilong mi. Olsem wanem long ol ami bilong yumi. Mi laik bai ol ami i no ol man i gat save. Nogat. Mi laik bai ol i no gat save tu ol i mas kam long ami tu. Bikos ol sampela man ol i no gat save ol i save wok gut tru long tingting bilong ol. Sapos yu mekim olsem bai kantri bilong yumi i pulap long ol soldia. Em tasol mi laik tok save long wari bilong mi.

Andrew Vagelo
Cape Gloucester, W.N.B.

Kristen Tru i Tok

Dia Edita.- Mi bekim pas bilong Abdul D. Daure. Mi lukim pas bilong Abdul D. Daure, na mi opim baibel na mi no painim wanpela tok bilong baime meri i stap long baibel. No gat tru. Olsem na ating mobeta yumi lusim dispela pasin bilong baime meri.

Dispela pasin bilong baime meri em i no pasin bilong Kristen. Em pasin bilong haidein. Mi lukim long baibel Disaipel bilong Jisas ol i no raitim wanpela tok bilong baime meri. No gat tru. Ating ai bilong mi tudak na mi no lukim tok bilong baime meri i stap long baibel. Na mi giaman.

Bipo ol tumbuna ol baime meri na putim haus tambaran. Em olsem ol i no harim gutnius bilong Jisas. Na dispela taim ol i stap long tudak na ol baime meri na bilip long gutpela hul bilong ston o ples i no gut em ol i save bilip.

Nau yumi harim gutnius bilong Jisas na yumi kristen pinis. Olsem na pasin bilong baime meri em bai pinis. Na yumi kisim pasin bilong kristen. Bipo yumi i stap long tudak nau yumi i stap long lait.

Puito Gorio
Morobe Waria

No Bagarapim Kantri

Dia Edita.- Halo gen i kam. I go long ol wantok. Na tu ol arapela brata na susa long ol hap bilong yumi hia long Teritori.

Hei man, wanem? Yupela sindaun na wet? Lukim ol bosman! Yupela i ting wanem? Sampela bosman i bilong bilas nating. Olsem lukim long Manus yet i no gat bosman. Paliau i save raun ating long

hap bilong em yet. Ating ailan bilong mi i rabis tru. Na lukim bilong wanem pipel hia i takis? Sapos yu no kam na helpim pipel hia lukim kaunsil hia i trai hat tru nau. Tasol husat i bikpela? Kaunsil long ples hia o Paliau long Haus Asembli?

Lukaut lukaut sapos yu laikim tasol stret ol man bilong ples bilong yu. Paliau, bai yu bagarapim Manus Ailan. Bi-hain bai mi ting man hia bilong Saut na mi bilong Wes na em bilong Not na dispela hia bilong Sepik. Man yu bosman tingim gut bai yumi bagarap olgeta.

Bagarap bilong em bai i kamap long P.N.G. olgeta. As bilong em yu lainim long brukim ples bilong yu yet. Tingim dispela hap tok. Kamap kain kain manmeri, kain kain woksave na kain kain kala skin na kain kain toktok ples i kamapim tasol wanpela man bilong Papua New Guinea.

Ating pen i stap rait hia, na stenbai long husat sapos i laik bekim pas bilong mi; wantok raitim tasol long Wantok nius bilong yumi bai mi ken ritim laka?

Nick Hipomson
Manus

Tingting Nogut Kamap We?

Dia Edita.- I no long-taim i go pinis wanpela blak brata bilong yumi Toni Pania i bin raitim wanpela toktok long yupela. Insait long liklik hap toktok bilong em, em i bin tok olsem ol yangpela man na meri long haiskul nambaut nambaut long Papua New Guinea i no save tingting stret long ol skulwok bilong ol. Taim ol i liklik yet ol i save tingting kwik long marit na tu sapos dispela pasin i stap yet

long taim yumi kisim independens bai yumi no gat planti lida.

Blak brata, olsem mi laik tok olgeta toktok bilong yu i tru. Tasol mi askim yu olsem taim yu 15 yia i go inap 21 yia yu no save tingting long meri, long marit?

Brata yu save long taim diwai i kamap bikpela. Yu save tu long taim em i mekim namba wan lip, namba wan plaua namba wan prut. Orait brata, man i olsem long dispela diwai. I gat taim mama i karim em na wokabaut, kaikai, namba wan taim. Na i gat taim em i save tingting long meri na tingting long man. Na i gat taim ol i marit na i gat namba wan pikinini.

Orait brata, man i olsem. Yumi ol man bilong haiskul i olsem. Em taim bilong yumi tingting strong long meri na ol meri long yumi em i stap namel long 15 yia i go inap 21 yia samting.

Insait long dispela taim yumi save tingting long planti kain samting olsem tingting bilong yu i pas long wanpela meri o meri long man na long wanem meri yu laik maritim.

Samting yu tingting i go i go na het i lus nating. Samting taim yumi stadi i go tasol insait long dispela stadi ol tingting bilong meri man bai kirap. Na sapos yu man o meri i no strong bai dispela tingting i paulim yu bai yu ken lusim skulwok na tingting. Na taim ol manmeri i stap klostu, dispela tingting i ken stiaim ol long rot i no stret.

Mi laik save, dispela tingting nogut o i no stret i kam we? Mi yet mi no save. Dispela tingting yet i save kamap long mi tu na long ol pren bilong mi. Ol pren bilong mi tu ol i no save long dispela tingting i kam we. Ating i kam long het. Tasol mi no tokim het long tingting long dispela tingting.

Mi oltaim belhat long larim dispela tingting long het bilong mi. Tasol samting mi save fel samtaim mi save strong long sanap. Olsem wanem? Bai wanem taim em i stap? Mi save wari long taim dispela tingting i kisim mi. Tasol mi tu mi save hepi long wanem mi save dispela tingting bai i no ken stap oltaim. Bai em i dai.

Brata, dispela tingting i ken stiaim yu long tupela rot tu. Lukim sapos yu laikim wanpela meri o long man, dispela tingting yet i ken tokim yu long painimaut olgeta pasin bilong dispela man o meri. Mi no save long yu, tasol i no gat man i save kamap tasol na maritim meri o man em yu no save bipo.

Orait brata, long lida yu no ken wari bai dispela boi ol i go long ples taim ol i bikpela. Taim ol i lusim tingting long meri bai kamap gut gen. Em sampela bilong yumi stap long ol bikpela skul long Teritori i save tingting nabaut long ol meri tu, tasol yumi i skirapim buk yet. Yu no wari bai yumi gat lida.

Englebert Imal
(Lae, Institute of
Technology)

MIPELA I BIN KISIM PAS LONG OL DISPELA MAN- MERI TU:

Andrew Aughi, James Amon, Albert S. Atap, Simon Apea, Godfried Atua, Moses Bonbur, D. Belles, Raphael Bur Bonson, Samoa Dogare, Ande Gande, Jacob Huinowara, Abraham Harnduo, Mekima Jortehei, Julioson Kasi, William Kumis, Isua Kilua, Oto Karing, Patric Kiroha, Nicholaus Longaliu, Adolph Malagui, Gidion Malalo, William Nimbi, Matthew Nimatwan, Leo M. Oupmenje, Matthew Patanknege, Bernard Perniambep, Leo Rere, Nicholaus Sanglasa, S.P. Sonu Sogimo, Melkhior Soffi, Jacob Smilli, Elom Tausa, John Worin, Yholom Yapan.

INSAIT LONG OL POLITIK

(I KAM LONG NEW GUINEA NEWS SERVICE)

No Laikim Dispela Pes

I gat wanpela man i no laikim tok bilong dispela pes. Olsem nau mipela i givim spes long em i ken autim tok bilong em stret. Em hia:

Dear Edits.- Long Wantok bilong Trinde namba sike de bilong mun Oktober mi bin ritim toktok bilong Baset long pes 4 aninit long "Insaits long ol Politik." Na dispela tok i bin kam long "New Guinea News Service."

Yes, long dispela tok long baset, New Guinea News Service i bin toktok long mani Australia i salim i kam bilong wokim ol wok bilong Gayman long Papua New Guinea. Mani hia i kamap olsem \$145,000,000 olgeta sapos yumi kaunim wantaim mani Australia i yusim long Ami, Nevi, na ol arapela samting ol dispela lain i yusim. Nau bihain long dispela mi ritim dispela hap tok: "Olsem yu lukim Australia i givim bikpela presen moa." Tru ah! dispela mani emi presen?

Tenkyu Masta

Nau, Wantok, mi ting dispela hap tok i no stret tumas. Maski long paulim tingting bilong mipela ol New Guinea dispela mani i no presen. Long ai bilong mi dispela hap tok i laik tok olsem: "Lukim, Australia i sori long New Guinea na i givim em bikpela mani tumas bilong helpim em. Olsem na yupela i mas tok "tenkyu masta" na no ken tok hat long Australia na long ol pipel bilong em". Yes, wantok, mipela i bin tok tenkyu long dispela mani. Tasol long dispela

tok long mani hia em i presen, dispela mi no klia long en. Long tingting bilong mi dispela mani i no presen; na as bilong tingting bilong mi em ol hia:

Ol i Mas Mekim

Namba 1: Australia i no salim dispela mani long laik bilong em yet. Nogat em i bihainim tasol laik bilong Yunaitet Nesens. Australia i bin tok "Yesa" long Yunaitet Nesens bilong lukautim Papua New Guinea. Olsem na em i wok long bihainim tasol Charta bilong Yunaitet Nesens na i wok long salim mani bilong kirapim dispela ples. Australia i mas mekim dispela.

Mipela No

Laikim Askim

Namba 2: Mipela i no askim ol Australia bilong kam. Ol yet i bin krai tumas long kisim New Guinea. Opim sampela Histori Buk bilong New Guinea bai yu painim sampela toktok ol memba bilong ol i bin mekim. Yes ol i bin wari tumas long em olsem nau ol i mas kisim pen long spenim mani bilong ol bilong kirapim Papua New Guinea.

Wanem Presen?

Presen em i samting mi yet mi givim long pren o bisnis bilong mi long laik bilong mi yet. Sapos New Guinea i kisim independens pinis na Australia i salim mani i kam bilong helpim mipela na em i no singaut profit long dispela mani,

yes, em mi ken tok presen. Tasol nau New Guinea i stap yet long han bilong Australia. Em i no independens yet. Olsem na dispela mani Australia i wok long salim i kam nau mi ting i no presen. Australia i wok long fulfillim abligation bilong em. Em tasol toktok bilong mi. Sapos mi rong, wantok tok stret long mi.

Tenkyu tumas: Tim Kuki, P/Moresby

Redi Long ileksen

Inap nau i gat moa olsem 1,500,000 (wan milion faiv handet tausen) pipel long dispela kantri i bin putim nem bilong ol long ileksen rol na olsem ol nau inap long vot long mun Februari.

Dispela taim ol boi na meri i winim 18 yia pinis; ol inap long vot.



Em hia 5-pela Papuan memba bilong Haus Asembli i go toktok wantaim Mista Barnes long Australia. Ol i laik save tru Australia i gat wanem tingting long Papua.

Yu lukim ol (kirap long lephan): Mr. Lepani Watson, Mr. Tore Lokoloko, Mr. Toua Kapena, Mr. C.E. Barnes, Mr. Andagari Wabiria, Mr. Oala Oal-Rarua.

kalenda bilong ol ileksen

29 Novemba: Pinis bilong putim nem bilong yu i go long ilektoral rol sapos yu laik vot.

29 Novemba: Taim bilong nominesen i bigin. Yu laik sanap kandidat, nau yu mas putim nem bilong yu long ofis.

29 Desemba: (long belo stret): pinis bilong ol nominesen.

12 Februari: Bigin bilong vot long olgeta hap bilong kantri.

11 Mas: Pinistaim bilong vot.

Long 6 klok apinun ol i bigin long kaunim ol vot.

3 April: Ol vot i kam long longwe ples i mas kamap bipo long dispela de.



Pasin bilong bungim paiawut long ol ailan. (Pasuk)

PES BILONG OL PIKSA I WIN



Ol i bilasim nupela haus lotu long pasin bilong haus tambaran bilong bipo. (Miki)



Liklik meri na bikpela tinan. Em i askim: yu laik mi penim ha no nogat? Em inap, a? (Goli)

LUKIM GUT DISPELA HAP TOK

Planti poto moa i bin kamap pinis.

Tasol planti i nogut tru, i no inap mipela i ken putim long niuspepa.

Mipela i no baim olgeta poto yu salim i kam long mipela. Nogat.

HARIM GUT. LUKIM GUT: MIPELA I BAIM OLGETA POTO MIPELA I PRINIM LONG DISPELA PES LONG NIUSPEPA. EM TASOL

Tasol yu train. Ating yu gat sampela gutpela poto. Salim i kam. Yu ken winim wan dola.

Salim poto i kam long: WANTOK
P.O. BOX 298
WEWAK



Sekbuk bilong bipo. Man hia i holim ol ring mani bilong tumbuna. (Luk)

Papua New Guinea News

Dring, Dring, Dring,

Komiti bilong painimaut olkain aidia bilong pinisim ol trabel i save kamap long pasin spak i raun nau long ol ailan. Long bikples ol i kisim kain aidia olsem:

"Wanpela botol bia long wanpela de, em inap long wanpela man" -Pasto Steven Moyalak (Lousia).

"Putim bikpela takis i go long ol strongpela dring" - Pasto Richter (Lae).

"Mipela i no gat mani na olsem mipela i no dring. Ol plisman tasol i save spak hia. Mobeta ol i gat stua bilong ol stret" - Mr. Turiai Maravila (Lousia).

"Namel long ol skwata long taun ol man i winim 4 dola, i save lusim wan dola long dring" - Ujan Talil (Lae).

"Man i laik dring em i mas gat laisens. Man nogut i no ken kisim." - Pasto Gedisa (Lae)

"Mobeta yumi dring tasol insait long ol klap, bai i no gat trabel" - Paulus Arek (Popondetta).

"Kot i mas strong moa long ol man i spak na i mekim rong" - Rev. Jurewe Zurenuo (Lae)

"Dring em i strongim bel bilong man bilong mekim olkain samting nogut. Em i dring na em i no pret nau na em i go mekim" - Mr. Martin Ningu (Siassi)

Mista Irlam, man i save tumas long ol bisnis, i tok long dispela yia ol man long Papua New Guinea i lusim \$18,000,000 (wanpela ten et milion dola) long baim bia tasol. Na gavman i bin winim \$10,000,000 (ten milion dola) long takis stap insait long prais bilong dring. Ol i no save ol waitman i dring hamas na ol Papua New Guinea i dring hamas.

Tupela bikpela wok hia inap long givim Papua bikpela namba moa.

Bikpela Pawa Stesin

Ol Japan ol i tingting planti long banisim bikpela wara Purari long Papua na kirapim wanpela bikpela haus pawa tru. Em bai winim dispela ol i laik statim nau long Ramu Riva klostu long Kainantu.

Dispela wok bai i helpim ol wok kopa tu na nupela kampani i painim pinis gol na kapa long Saten Hailans klostu long Kiunga i laik go het.

Ol Sumatin Go We?

Long dispela yia i gat samting olsem 22,000 boi na meri i pinisim standet 6 long skul.

I gat 3,500 ples tasol long ol haiskul.

Olgeta yia i gat bikpela wari moa long ol sumatin i no ken go het. Dispela yia i gat 17,500 boi na meri i pas pinis. Nau bai ol i mekim wanem samting? Planti skul tumas i no wari long dispela samting.



Mista Sali

Mista Isak Sali, wanpela nes man long Wewak haus sik i bin winim wanpela bikpela prais ol i kolim Churchill Skolasip.

Nau em bai go long Sydney bilong kisim moa skul long pasin bilong wok long haus kat ra bilong ranim wanpela haus sik.

Mista Sali em i bilong ples Chambri long Sepik. Em i gat 23 yia na em i tren pinis long Rabaul. Em i kirapim wok long haus sik bilong Wewak long yia 1969.

Gutpela Nius Bilong Kopi

Namba wan gavman, Mista Johnson, i tok bai i no gat liklik trabel tru long salim olgeta kopi bilong Papua New Guinea long 6-pela mun i laik kamap nau.

Ol i daunim kopi i mas go long ol arapela kantri tasol Australia i laik kisim olgeta kopi olsem bipo.

Hamas Misinari

Long Jun 1970 yumi painim ol misinari i kam long dispela ol kantri: Australia.....30 Belgium.....10 England, Australia na

Nes i Go Long Kanbera

Long Boram Nasing Skul long Wewak ol i bin makim Regina Sak long go long wanpela konprens bilong ol lain nes long Kanbera.

Em i lusim pinis Teritori long 14 de long mun Novemba. Konprens hia i bin stat namel long 15 inap 19 Novemba.

Ol famili bilong Regina Sak i bin wok long Boram Haus Sik longtaim tru. Papa bilong em i wok long haus sik inap 23 yia olgeta. Mama bilong em i wok samap inap 16 yia. Na em i gat tupela susa i wok tu olsem nes long haus sik.


Regina i pinisim fom 2 bilong em long Brandi Haiskul. Bihain em i stat trening olsem nes long Boram Nasing Skul, na em i bosmeri bilong ol nes.



Sister Regina Sak



New Zealand.....	2,115
Canada.....	2
Holland.....	106
Franch.....	69
Germany.....	385
Italy.....	12
Poland.....	25
Switzerland.....	76
America.....	520
Ol arapela Kantri.....	61



Stiaim Gut Ka

O yes, ol brata, mi lukim wanpela samting i kamap long nius long olgeta mun na mi wari tru long en. Mi tok long wanem? Mi tok long ol dispela trabel i kamap long ka o trak taim ol i bam na kilim man. Long Moresby, Lae na long Hailans Haiwe i gat planti man liklik i dai long dispela yia.

Bilong wanem ol dispela man i dai? Wanem as tru long dispela trabel? Mi tingting planti long dispela samting na tingting bilong mi i go olsem. I gat tripela as bilong dispela trabel. I olsem:

PLANTI DRAIVA I SPIT

Mi lukim planti draiva i save spit moa olgeta taim. Maski rot nogut, maski tudak, maski

ka i lapun pinis, maski rot i no stret. Ol i laik spit tasol. Ol putim long 60 na spit. Long dispela samting planti man i dai. Nating ol draiva i no save dispela kain i wok long kilim man tasol? Sapos yu spit olsem, i no longtaim yu kilim wanpela man.

OL DRAIVA I SPAK

Dispela pasin bilong spak pastaim na draiv i bikpela trabel tru long planti draiva. Mi no ken tok olgeta draiva i save spak. Nogat. Planti draiva i no save spak. Ol i tingting gut long ol wok bilong ol na ol i save bihainim gut dispela wok. Tasol mi tok long ol dispela lain draiva i no tingim gut wok bilong ol na spak pastaim na ran long rot na wok long kilim planti man. Dispela kain mi pilim i no stret tru. Ol draiva i mas tingim gut wok bilong ol na draivim gut


ka bilong ol. Nogut ol i wok long bagarapim man.

DRAIVA I PASIM ROT


Ol planti draiva i no tingim gut i gat arapela ka tu i ran long rot. Ol i ran long laik bilong ol yet. Ol i save draiv namel tru long rot, maski arapela ka i raun long rot o nogat. Ol tingting long ka bilong ol na planti taim ol ranim arapela ka i go long bus o bam wantaim em. Ol dispela kain draiva i mas save, gavman

i no wokim rot bilong ka bilong em tasol. Rot em i bilong olgeta ka o trak i gat laisens, i no bilong wanpela ka tasol. Orait taim em i draivim ka i mas bihainim gut ol lo bilong draiv na i no ken pasin ples bilong arapela ka.

Mipela ol YC lida pilim olsem. Sapos o draiva i bihainim gut dispela tripela lo long draiv; yu no ken spit, yu no ken dring, yu no ken pasim ples bilong arapela ka, orait bai yumi no gat planti trabel long rot na i no gat man i dai long bam.



Tupela nupela ofisa long ami, Leptenan John Lytus na Leptenan Peter Anasis. Misis Lytus i putim mak bilong leptenan long yunifom bilong man bilong em. Tripela pipel hia i bilong Buka tasol. Tupela soldia i pinisim trening inap 16 wik long Goldie River, Port Moresby. Tupela nau bai kam bek long stesin bilong tupela tru: 2 PIR long Moem/Wewak.



Man hia i tromoim sampela tangir ol i bin pulim long hap bilong Port Moresby. Dipatmen bilong didiman i helpim ol man long painim nupela pasin bilong pulim moa moa pis. Ol i save putim longpela maus long huk olsem abus. Olgeta taim ol i go huk ol i bin pulim 50 paun pis. Na long maket ol i ken kisim 63¢ (sen) long wanpela wanpela paun pis.



LOT NUMBER
68/5050

Australian Importer's Bulletin

LIMITED OFFER
Subject to Terms Below

Spring, 1971, Edition

CLEAROUT OF SWISS AMPHIBIAN WATCHES HELD IN AUSTRALIAN GOVERNMENT BONDED

WAREHOUSE **\$15.99** **ONLY** **ONE TO A LIMIT: READER**

FORCED TO SELL ENTIRE STOCK OF 1971 MODEL FOR ONLY A FRACTION OF THE REGULAR PRICE

The Bargain Clearout Offer described in this Australian Importer's Bulletin is for a short time only. Special discount prices apply only to men's 1971 deluxe model. Genuine Amphibian Watches have long been a favourite of Scuba Divers and active men throughout the civilised world. Goods have been held in Australian Bonded Warehouse, due to non-payment of storage and customs taxes. Now at last they are being released direct to the public at a fraction of regular prices. Watches sold on a first received, first mailed basis. Fast delivery assured. All orders processed within 48 hours of receipt. **LIMIT: Only ONE (1) watch to a reader at this reduced price.**

BRAND NEW 1971 DELUXE MODELS

These Scuba Divers' watches are brand new, in original factory packing. New, unbreakable Ebelium mainsprings. New, heavy-duty cases with rear closures of rugged, thick **STAINLESS STEEL**. Each watch absolutely **WATER RESISTANT**—hermetically sealed, then depth tested under water. These watches are warranted to withstand **6,000 POUNDS (3 TONS)** of undersea pressure per sq ft surface. Every watch has been equipped with a rugged **INSULATOR**—the time-honoured Swiss invention that gives it exceptional resistance to shocks, jolts, and constant rugged use. None offered to stores or watch jobbers.

LIMITED OFFER—WILL NOT BE REPEATED AGAIN TO READERS OF THIS PUBLICATION

AMAZING COMPUTOGRAPH DIAL HAS MANY SPECIAL APPLICATIONS

A unique, revolving **COMPUTOGRAPH** Dial is mounted on the outer rim of the Amphibian. This great development of Swiss technology has numberless applications in industry, business, sports, and the professions. Aids in timing speed of boats, cars, auto races. Useful for shop operations, photo-lab work, football, soccer, boxing. **Special Lapsed Time function** reminds of dates, business appointments. Reduces overcharges on phone calls. Prevents overtime parking fines. *Over 97% of all watches made do not yet have this great modern convenience.*

ONE OF THE WORLD'S STURDIEST WATCHES EVER DEVELOPED IN OVER 300 YEARS

The Amphibian was originally made for deep-sea divers or frogmen. Their very lives could depend on a rugged, heavy-duty watch. Therefore, the clever watch masters of Switzerland engineered it to withstand staggering stresses and pressures—*without crushing or breaking down*. To accomplish this, they gave it unusual resistance to shocks, jolts, bumps, accidents. They put in a special metal alloy, unbreakable main-



SHOWN BELOW IS GUARANTEE GIVEN WITH EACH AMPHIBIAN WATCH

5-year Guarantee

All defective parts furnished at no cost to you. This includes jewels, springs, staffs, balances, gears, etc. Small

PROCUREMENT COUPON (below) at once. Upon receipt of same, one (1) watch will be mailed to each purchaser. Description of watch and full details of this importer's clearance offer are printed below.

SPECIFICATIONS OF WATCH OFFERED IN THIS BULLETIN

The following are detailed specifications for this nationally advertised watch. (A) TYPE: Genuine Amphibian—ideal for use on land, undersea, or in space. (B) CASE: Standard diameter—measuring 1 1/2 inches across. Ruggedly made with a special Bolt-On back of 100% stainless steel, burnished to a satin finish. Latest Astronaut-inspired design. (C) WORKS: Precision Swiss parts assembled in a renowned factory in TRAMELAN, Switzerland. Movement has integrated calendar section that changes date every 24 hours at

the stroke of midnight. Works are inspected and electronically timed before insertion into the case. (D) WATER RESISTANT: This amazing watch is water resistant (not just "semi" water protected). User needs only to keep crown, case and crystal intact to preserve water resistance. Special internal rubber seals keep out water, dust, grime and grit—the four great enemies of watches. (E) BUILT-IN RESISTOR: This device gives positive resistance against damage from shocks, rough usage, jolts, etc., etc.

USED BY ACTIVE MEN IN OVER 25 COUNTRIES

This amazing watch is not used only by Scuba Divers. Well over a million men—in all walks of life—own Amphibian watches. These are executives, professionals, business leaders who are tired, frustrated and angry with fragile, flimsy watches that are always breaking down. You'll also see this type of watch on the wrists of brawny construction is available.

strong it takes months, even years of treatment that could ruin an ordinary watch in 5 minutes. A watch so dependable and well-engineered that it carries a 5-year Service Certificate.

FREE 7-DAY EXAMINATION

Purchasers may examine, use and try one (1) watch without risk or obligation. This timepiece is absolutely guaranteed to give satisfactory performance. Otherwise return for immediate refund by return mail.

PLEASE OBSERVE CAREFULLY

This is a strictly LIMITED CLEAROUT OFFER. It is subject to all the Rules and Conditions shown in coupon. Please do read and follow these easy rules. This will prevent delay and ensure prompt delivery to your home.

- Hermetic Pressure-sealed Case
- Guaranteed Water Resistant*
- Built-in X-7 Shock Resistor
- 60-minute All-purpose Timer
- 3 Luminous Timing Hands
- Rotating Outer Dial
- 2 Independent Dials
- Precision Second Calibrator
- Date-O-Matic Calendar Window
- Glowing Underwater Dial
- Checks and Times Parking Meters
- Bomed Unbreakable Crystal
- Built-in Lapsed Time Computer
- Anti-magnetic Movement
- Elicium Unbreakable Main Spring
- Solid Stainless Steel Screwback
- Times Factory Operations
- Times Horse and Auto Races
- Business Appointment Reminder
- Tropical Rot-proof Strap
- Fine Jewellers' Finish Casing

*Provided case, crown and crystal are intact.

TO ORDER WATCH, PLEASE USE THIS SPECIAL PROCUREMENT COUPON

To Classique Imports, P.O. Box 75, Red Hill, Qld. 4059.

RULES AND CONDITIONS

(PLEASE OBSERVE WITH CARE)

1. Only ONE (1) genuine Amphibian watch per reader at special discount price of \$15.99
2. No phone or C.O.D. orders.
3. Add 80 cents for postage, handling and full insurance to your home. Deluxe Gift Box and 5-year Guarantee Certificate given with watch.
4. 7-day free examination and trial permitted. Satisfaction guaranteed or money back.
5. This offer is for prompt acceptance. Orders received too late will be returned immediately to sender.

Print Name.....

Address.....

City.....

State.....

Postcode.....

EN 316 BT

WANPELA KAMPANI BILONG AUSTRALIA I SALIM DISPELA TOK I KAM LONG MIPELA BAI MIPELA I PRINIM LONG NIUSPEPA NA OL RIDA I KEN BAIM DISPELA HANWAS. OL I NO GAT PLANTI. YU KEN BAIM WANPELA BILONG YU STRET. HARIAP.


Samting bilong man o meri i smat moa
 Blakpela hanwas i lait long nait.....
 I no ken bruk inap 5-pela yia
 Yu ken swim wantaim em.....

Ol rida, yupela i no ken lusim ting long baim kastam ta'im was i kam long Australia.

Katim dispela tiket na salim wantaim sek inap \$16.79 i go Tong:

Classique Imports
 P.O. Box 75
 RED HILL, QLD. (4059)

Watpo yu salim \$ 16.79 i go ...
 Hanwas i kostim \$15.99
 Bilong baim pos80
 \$16.79



"YUPELA I NO KEN PRET LONG DISPELA GUTPELA PREN BILONG YUMI."


Sikman Samapim Buk

Sevenpela sikman i no save wokabaut i stap long Taurama long bikpela haus sik bilong ol ami long Port Moresby. Ol i save mekim wok long han bilong ol.

Hia, ol piksa i soim ol sik pipel i wok long haus sik yet. Ol i samapim buk bilong Yunivesiti na Papuan Medikol Koles. Ol i save kisim 10¢ long wan hana.

Tokman bilong dispela woksap i tok. Pastaim tru ol i pilim wok i hat tru. Long wanem ol i no save long rit na rait. Tasol bihain ol i ken mekim wok ol yet. I no gat man bilong was long ol na soim ol.


Sampela long ol dispela sik pipel i stap long haus sik inap 8-pela yia olgeta. Em i longpela taim tru.



Sasa Offemo i karim ol buk ol i wokim pinis long woksap bilong buk long Taurama Haus Sik.



Toma Korikuga i gluim ol pes bilong buk wantaim.



Awai i wokim ol buk bilong Papua Medikol Koles.

Politikal Edukesen

sampela askim long ileksen

Inap long pinis bilong dispela yia 1971 bai i gat planti toktok na tingting i go long ol bikpela ileksen i laik kamap long mun Februeri.

I gat planti samting yumi mas save tru. Olsem na WANTOK i laik bekim sampela askim long dispela pes. Sapos yu gat sampela moa bilong ol tok politik, yu askim na

bai mipela i bekim tok. Sapos mi laik vot, bai mi mas mekim wanem samting?

- 1) Yu mas gat 18 krismas
- 2) Nem bilong yu i mas stap long ilektoral rol o buk bilong kiap. Sapos yu no save, mobeta yu go long kiap na askim. Nogut yu no inap vot bikos yu lusim ting long putim nem long buk, o bikos yu no stap long ples taim

ol i kisim ol nem pinis. 3) Yu mas stap 6-pela mun long ples yu laik vot long en.

4) Sapos yu go pinis long narapela ples, yu inap vot yet. Go askim kiap nau, bai em i kisim nem bilong yu.

5) Sapos yu stap longwe olgeta, yu inap salim vot insait long wanpela pas.

Mi mas vot long hamas man?

Em inap yu vot long wanpela tasol. Tasol mobeta yu vot long 4-pela na givim namba long ol long laik bilong yu.

Bai ol i putim 4-pela nem tasol long tiket bilong vot?

Nogat tru. Ol bai putim nem bilong olgeta kendidet i sanap long ileksen long ilektoret bilong yu. Mi harim sampela ples i gat inap long 20 nem i stap long tiket bilong vot. Em i wok bilong yu long vot long 4-pela tasol.

Tasol mi no save.

Orait, dispela taim bai ol i prinim poto bilong wanpela wanpela kendidet long tiket bilong vot. Olsem na yu ken lukim pes bilong ol, na yu ken save na vot stret.

Wataim bai mipela i mas vot?

Ol i bigin long vot long de namba 12 bilong mun Februeri na i go inap long de namba 11 bilong Mas. Harim gut redio bilong yu. Bai ol i autim dispela tok planti taim na bai ol i skulim yu, yu mas vot long wanem ples.

Bai ol i mas ilektim hamas man long Haus Asembli?

Wan handet stret.

Sapos mi laik sanap olsem kendidet bilong ileksen, mi mas mekim wanem samting?


1) Tripela mun bipo long taim bilong vot, yu mas tokim ol man yu laik insait long ileksen olsem kendidet.

2) Long 29 Novemba inap long 29 Desemba yu mas givim nem bilong yu long ofis bilong kiap.

3) Bai ol i potoim yu

4) Yu mas tromoim \$100 wan handet dola. Sapos yu no winim ileksen, tasol yu bin winim moa olsem 13 long olgeta 100 vot, bai dispela wan handet dola i kam bek long yu. Sapos ol bot i go long yu i aninit long dispela namba, bai mani bilong yu i lus tu. Mobeta man i ting gut pas-taim.

Saun bilong SANYO gutpela tumas



Soim istap antap emi piksa bilong 11XA853. Emi namba wan 10 transista redio bilong harim tok long olgeta graun. Long han rait emi 8 transista redio ino hevi na isi gutpela redio em bai klia saun sapos yu kisim long we stesin.

**LUKIM SANYO
ISTAP LONG STUA
LONG HAP BILONG YU**



Sanyo i ken mekim yu makim draipela redio, stat long 8 transista i go kamap draipela samting tru em inap long kisim stesin long we. **Wonem kain samting yu laikem long harim, Sanyo i gat.**

BRECKWOLDT & CO. (N.G.) PTY. LTD.

Port Moresby,
Box 1549,
Boroko.

Madang,
Box 185.

Lae,
Box 557.

Rabaul,
Box 222.

Mt Hagen,
Box 237.

Wewak,
Box 178.

Kiata,
Box 72

Wantok Publications
P.O. Box 298, Wewak, i
wokim, na Wirui Pres
long Wewak i prinim.

SWIT MOA!



Dispela marasin bilong klinim tis, ol i kolim long "COLGATE". Smel bilong em i swit moa yet. COLGATE i nap long rausim ol liklik pipia bilong kaikai i pas long tis bilong yu. I klinim tu retpela pipia bilong buai long tis.

Sopos yu usim COLGATE bilong klinim tis bilong yu long olgeta dei, bai tis bilong yu i stap klin oltaim.

Yu nap painim dispela marasin COLGATE bilong klinim tis long planti stua long hap yu stap. Em i gutpela marasin tru bilong lukautim oltaim tis bilong yu.

Sopos yu go long stua yu askim long COLGATE marasin bilong klinim tis.



TOK I KAM LONG OLGETA HAP



Mr. McMahon



Mr. Heath

England

Namba wan gavman bilong Australia, Mista McMahon, i toktok pinis wantaim namba wan bilong Englan, Mista Heath. Ol Australia i kirap nogut long lukim ol England i orait long bung wok wantaim ol arapela kantri bilong Yurop i stap insait long wanpela asosiesen ol i kolim Koman Maket.

Nau Englan bai baim planti samting long ol dispela kantri na i no kam baim long Australia. Papua New Guinea tu nau i lusim wanpela gutpela na bikpela maket bilong kopra bilong em.



Em hia ol sampela man insait long Yunaitet Nensens i hepi tru long wanem Saina nau i kam insait wantaim ol 131 arapela kantri.

America

Ol 46 deliget bilong kantri Saina i bin kamap pinis long New York long kisim ples bilong ol insait long Yunaitet Nensens namba wan taim. Kantri bilong ol i gat inap 750,000,000 pipel.

Germany

Ol Jeman i bin salim pesman bilong ol long Australia, Dokta Helmut Tuerk, i kam lukluk raun long Papua New Guinea bilong bungim ol 2000 Jeman i wok long dispela kantri.

Em i raun pinis long Port Moresby, Goroka, Mt. Hagen, Wewak, Lae, na Rabaul.

Gavman bilong Jemani i bin givim moa olsem tri milion dola long helpim 4-pela bikpela tisa koles. Em hia: Balob Tisa Koles long Lae, Vunakanau Tisa Koles long Rabaul, Holy Trinity Tisa Koles long Mt. Hagen, na St. Benedict's Tisa Koles long Wewak.

Dokta Tuerk i givim wanpela tok long Kaindi

na em i amamas tru long helpim ol misin long dispela wok long tis. Em i tok ol misin yet i bin bringim edukesen namba wan taim i kam long dispela kantri. I gat planti man tude i holim gutpela wok na i gat namba, em ol i bin kisim save namba wan taim long misin tasol.

Vietnam


Olgeta soldia bilong Australia bai lusim kantri Vietnam bipo long dispela krismas.

I gat samting olsem 3,700 soldia bilong Australia i stap long Vietnam.

Long dispela pait i gat 415 Australia indai pinis na 2344 i kisim bagarap.

LONG MADANG

YU GO LUKIM GRAHAM KIRKHAM BILONG BAIM



NAMBAWAN TRAKTA TRU! BOROKO MOTORS LTD MADANG PHONE 2433

YU KEN BAIM OL FORD TRAKTA TU LONG PORT MORESBY LAE RABAUl MT.HAGEN

'READ'
 THE LITERACY AND LITERATURE MAGAZINE
 • Published Quarterly
 • Subscription \$1 yearly
 The Editor, Box 43,
 P.O., Ukarumpa, E.H.D.

tok win

poro i raitim

NO MOA BIA

Nogut mipela i toktok planti long dring na mipela yet i soim poto long ol sampela man i dringim bia. Olsem nau WANTOK tu i pinisim dispela kain poto na i no larim bai S.P. na arapela kain bia i ken grisim ol man long pes bilong dispela niuspepa. Ating nau planti rida tu i ken hepi.

PILIM TAKIS

Taim yu baim wanpela samting long arapela kantri na ol i salim i kam, yu mas lukaut long baim kastam. Dispela taim

mipela i tok save long ol man i laik baim hanwas i stap long pes 8. Kastam long dispela was i kam inap faiv dola. Nogut yu no save. Olsem tu yu inap pilim takis em i wanem samting. I gat planti kain takis ol man i no save pilim, na ol i no save long en olgeta.

BUK PISIN WE

Planti taim ol rida i askim ol i ken kisim we olkain buk long tok pisin. Sapos ol i laik stat long skulim ol sumatin long tok pisin bai ol i painim ol buk we?

I gat tupela bikpela stua bilong olkain buk long tok pisin. Em hia: Wewak Christian Bookshop Box 169, Wewak. Na: Christian Book Centre Box 222, Madang.

Sapos yu salim tok long ol, bai ol i ken salim nem bilong olkain buk long tok pisin i kam.

Sapos yu laik kirapim skulim ol bikpela man

long rit na rait, o yu laik skulim ol sumatin long pasin bilong rit na rait long tok pisin, yu mas kisim 4-pela liklik buk KISIM SAVE. Man i winim dispela 4-pela buk pinis, em inap putim wanpela baten long singlis bilong em. Baten hia i laik tok: mi kisim save pinis.

I gat buk bilong ol tisa tu.

NIUSPEPA HAITIM TOK

St. Benedict's Tisa Kolés long Kaindi/Wewak i bin kisim presen long samting olsem wan milion dola long han bilong gavman bilong Jemani.

Tasol namba wan niuspepa bilong dispela kantri i no laik prinim dispela nius. ABC na Radio Wewak, tupela i bin telimautim dispela gutpela nius long program bilong ol. Tasol Post Courier, nogat.

Samting i no stret, na samting i sting. Olgeta man bilong dispela kan-

tri i krai long moa skul na long dispela yia yet i gat 17,500 boi na gel i no ken go long haiskul. Orait, em hia wanpela skul i go het long strong bilong ol pren bilong em yet. Em i rong o wanem samting?

Tude yet i gat 110 studen i tren long tisa long dispela skul na nau ol inap go long 210. Dispela skul i bilong Is na Wes Sepik Distrik na Westen Distrik bilong Papua wantaim.

Gavman bilong Jemani i laik helpim pipel bilong New Guinea i go het, olsem em i marimari na i presen long tisa koles.

Sapos wanpela bisnis o kampani i kisim wan milion dola, man, bai yu ken painim long namba wan pes bilong niuspepa.

Tasol dispela mani i bin kamap long han bilong misin, olsem maski. O ating niuspepa hia i gat kros long gavman bilong Jemani i laik helpim ol pipel bilong dispela kantri?

Olgeta tok
i stap long dispela niuspepa
ol i bin paitim pastaim
long wanpela masin bilong rait,
nem bilong em. . .

Olympia

TERRITORY AGENTS

BRECKWOLDT & CO. (N.G.) PTY. LTD.

PORT MORESBY
P.O. Box 1549, Boroko.

MADANG
P.O. Box 185.

LAE
P.O. Box 357.

RABAU
P.O. Box 222.

MT HAGEN
P.O. Box 237.

WEWAK
P.O. Box 178.

KIETA
P.O. Box 72.

Port Moresby

Administreta Mista L. Johnson i bin opim Konprens bilong ol Lokal Gavman kaunsil bilong Sentral Distrik bilong Papua.

Em i tok em i bin lukluk raun long dispela nap bilong Papua na i lukim wanpela somil i wok gut tumas, tupela plantasin ol Papuan i ken baim sapos ol i laik na i gat planti graun bilong kamapim wok bulmakau na raba.

Mista Johnson i tok em i no bilipim dispela tok sampela kaunsila oltaim i mekim, taim ol i spik dispela hap kantri i no go het. Ol i no save tasol wanem samting i save kamap long ol arapela hap ausait long ples bilong ol.

Dispela tok Port Moresby taun i no hap bilong Papua, em i giaman. Mista Johnson i tok: yu lukim: long Port Moresby i gat moa olsem 30,000 ol Papua i stap. Na 2000 moa i save kam olgeta de na kisim wok long dispela taun.

Kaunsila Dirona Abe bilong taun Rigo i laik bai Transpot Bot i mas

askim ol kaunsila bipo long ol i givim laisens bilong ol PMV trak.

Ol kaunsila yet i save gut sapos ol draiva i save gut long wok bilong em, i save spak, i save bihainim gut taim bilong bungim ol pasindia.

Insait long Konprens bilong ol Sentral Distrik. Kaunsil, Kaunsila Erico Foeike bilong Mekeo i tok olgeta kaunsil insait long Sentral Distrik i mas givim samting olsem \$100 long wanpela wanpela yia bilong helpim Koki Maket.

Wewak

Long namba wan wik bilong Novemba ol 23 deliget bilong ol kaunsil bilong Is Sepik Distrik i gat konprens bilong ol long Angoram long Sepik.

Ol i hat liklik long toktok long dispela lain bilong Kago long Maunten Turu. Ol i laik bai dispela Peli Asosiesen i mas kisim laisens olsem wanpela kampani, long wanem em i gat planti mani pinis na i mekim planti samting.

Kaunsila Beri bilong Dagua i laik salim 20 questen i go long Daniel

Hawina, tokman bilong Turu, na em i laik Daniel i bekim tok long ol dispela askim.

Ol kaunsila i laikir tru wanpela De Haikul i stap long Yangoru tasol ol i wetim yet wanpela pepa bilong edukesen dipatmen i tokaut klia kaunsil yet i mas putim hamas mani, na gavman bai putim hamas.

Sampela kaunsila i kirap nogut long plak na i laik save bilong wanem kaunsil bilong ol i no kisim wanpela yet. Siaman Pita Maut i tokim ol ating ol i no odaim wanpela. Em tasol.

Na Michael Somare bilong Haus Asembli i tokim ol, sapos sampela i no laikim kala bilong plak, orait, bihain long independens ol i ken senisim vet.

Kaunsil konprens hia i salim wanpela leta i go long gavman bilong Jemani bilong tenkyu long bikpela mani ol i bin salim i kam long helpim

tisa koles long Kaindi. Ol i laik tu Haus Asembli i mekim wankain. Ol kaunsila i amamas tru long dispela gutpela tingting bilong ol Jeman bilong helpim yumi.

Sampela man i tok em i gutpela pasin tru long sanapim sampela kain kain haus bilong bipo na pulapim ol long samting tru bilong ol tumbuna.

Lae

Sikispela kaunsil bilong Morobe Distrik i kirap nogut long ol skul long hap bilong ol. Ol i wari long ol planti sumatin i no inap go long haikul, na i no gat inap skul.

Tasol Lokal Gavman Ofisa, Mista Symons, i tokim ol: ol haikul i no samting bilong ol kaunsil. Ol praimer skul yes.

I gat wanpela trabel, em hia: sampela kaunsil i save helpim gavman long kirapim ol skul tasol bihain ol i no helpim ol moa. Em i no stret long wanem skul em i samting bilong longtaim.

KRISTEN PRES i wokim kain kain buk bilong strongim bilip na bilong sanapim gutpela pasin na sindaun na bel isi bilong ol manmeri na ol pikinini.

Nau yu ken baim dispela buk:

Sotpela Lotu Bilong Helpim Yumi, Buk 3

Dispela buk i gat 65 sotpela lotu bilong sampela tok i stap long Nupela Testamen. Sampela tisa i wokim planti gutpela tok bilong skul na famili na kongrigesen.

Salim oda i go long:



KRISTEN PRES

Sales Division
The Christian Book Centre
Box 222, Madang

AKUS

SEPTEMBER 1971 NANBA 11

LAVONGAI

A.S.S.

Em hia namba wan pes bilong niuspepa bilong ol kaunsila bilong Manus Ailan. Em i gat 16 pes.